

VENDIM
Nr. 300, datë 9.5.2012

**PËR DHËNIEN NË PËRDORIM KËSHILLIT TË QARKUT TË BERATIT DHE DREJTORISË
SË SHËRBIMIT TË PROVËS, BERAT, TË DISA AMBIENTEVE KU USHTRON
VEPRIMTARINË ADMINISTRATIVE PREFEKTI I QARKUT TË BERATIT DHE
ADMINISTRATA E TIJ**

Në mbështetje të nenit 100 të Kushtetutës dhe të neneve 10 e 13 të ligjit nr. 8743, datë 23.2.2001 “Për pronat e paluajtshme të shtetit”, të ndryshuar, me propozimin e Ministrit të Brendshëm, Këshilli i Ministrave

VENDOSI:

1. Dhënien në përdorim Këshillit të Qarkut të Beratit të disa ambienteve ku ushtron veprimtarinë administrative prefekti i qarkut të Beratit dhe administrata e tij, sipas formularit dhe planimetrisë 1 që i bashkëlidhen këtij vendimi.

2. Dhënien në përdorim Drejtorisë së Shërbimit të Provës, Berat, të disa ambienteve ku ushtron veprimtarinë administrative prefekti i qarkut të Beratit dhe administrata e tij, sipas formularit dhe planimetrisë 2 që i bashkëlidhen këtij vendimi.

3. Ngarkohen Ministri i Brendshëm, prefekti i qarkut të Beratit, kryetari i Këshillit të Qarkut të Beratit dhe Drejtori i Shërbimit të Provës, Berat, për zbatimin e këtij vendimi.

Ky vendim hyn në fuqi pas botimit në Fletoren Zyrtare.

KRYEMINISTRI
Sali Berisha